



Klub poslanika Naša stranka- Nezavisni blok

BROJ:

SARAJEVO, 26.06.2019.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26-06-2019			
Organizaciona jedinica	Klasifikaciona oznaka	Redni broj	Broj priloga
01	50-1	1186	19

PARLAMENTARNA SKUPŠTINA BIH

PREDSTAVNIČKI DOM

n/r predsjedavajuće

Predmet: Izrada novog Zakona o radu u institucijama Bosne i Hercegovine - Poslanička inicijativa

Na osnovu člana 8. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), podnosim poslaničku inicijativu koja glasi:

„Obavezuje se Vijeće ministara Bosne i Hercegovine da formira Radnu grupu za izradu novog Zakona o radu u institucijama Bosne i Hercegovine koju će činiti predstavnici Ministarstva pravde Bosne i Hercegovine, Ministarstva za ljudska prava i izbjeglice Bosne i Hercegovine - Agencija za ravnopravnost polova Bosne i Hercegovine, uz učešće predstavnika nevladinog sektora.

U Zakon je potrebno ugraditi nova rješenja kojim će se na prihvatljiv način omogućiti potpuna ravnopravnost spolova, zabrana svakog oblika diskriminacije, nasilja i mobinga, posebna zaštita žena u slučaju porođaja, te pravo oba roditelja na roditeljsko odsustvo.

S obzirom da je važeći tekst Zakona donesen u osnovnom tekstu (2004. godine), tj. prije stupanja na snagu Jedinistvenih pravila za izradu pravnih propisa u institucijama BiH („Službeni glasnik BiH“, br. 11/05, 58/14, 60/14, 50/17 i 70/17), potrebno je da predloženi tekst zakona, koji će Vijeće ministara Bosne i Hercegovine dostaviti u parlamentarnu proceduru, bude u potpunosti usklađen sa pomenutim Jedinistvenim pravilima.“.



O b r a z l o ž e n j e

Zakon o radu u institucijama Bosne i Hercegovine donijet je 2004. godine i do sada je pretrpio nekoliko izmjena (dvije izmjene 2005. godine, 2010, 2013. i 2017. godine), što čini komplikovanim njegovu primjenu. U vrijeme donošenja zakona nisu bila na snazi Jedinствена pravila za izradu pravnih propisa u institucijama BiH („Službeni glasnik BiH“, br. 11/05, 58/14, 60/14, 50/17 i 70/17), te i u tom smislu Zakon ne zadovoljava obaveznu formu.

U Zakonu nisu ispoštovani principi potpune ravnopravnosti spolova, utvrđeni Zakonom o ravnopravnosti spolova i Zakonom o zabrani diskriminacije. Ženama se mora garantovati potpuna zaštita od svakog oblika diskriminacije, seksualnog uznemiravanja, mobinga i svih drugih oblika diskriminacije. Posebnu pažnju potrebno je posvetiti zaštiti žene-majke, ali i ravnopravnom učešću oba roditelja u ostvarivanju prava na roditeljsko odsustvo. Mora se stati na put svakoj vrsti ucjene i dovođenja žena u neravnopravan položaj u ostvarivanju prava po osnovu rada, zbog njene biološke uloge. „Bijela kuga“ je evidentan problem i korektna zakonska rješenja su jedan od načina da se stimuliše natalitet.

Novi zakonski tekst potrebno je uskladiti i sa važećim propisima relevantnim za normativno uređenje radnih odnosa u institucijama Bosne i Hercegovine.

Predrag Kojović

Aida Baručija

Mirjana Marinković-Lepić

Dostavljeno:

-Naslovu

-a/a